

古今同姓名錄

附補遺

(一)



古今同姓名錄

梁元帝撰
陸善經續
葉森補

中華書局

古今同姓名錄

此 據 函 海 本 排 印
初 編 各 叢 書 僅 有
此 本

古今同姓名錄序

馬端臨文獻通考述晁氏云。古今同姓名錄。梁元帝撰。纂類歷代同姓名人。成書一卷。唐陸善經續增廣之。齊梁間士大夫之俗喜徵事。以爲其學淺深之候。梁武帝與沈約徵栗事。是也。類書之起。當在此時。故以此錄爲首。考陳氏直齋書錄解題。及焦氏經籍志。千頃堂書目。皆不載。蓋其軼久矣。今從書倉得足本。併元葉森之補。合爲一卷。其徵事也博而宏。其纂事也簡而該。故應首爲藝林之珍賞云爾。

羅江李調元童山序。

古今同姓名錄卷上

梁元帝撰

唐陸善經續

元葉森補

綿州李調元校

三伯夷

一舜典作秩宗。一顓頊師。一孤竹君之子。

二唐叔

一虞之季世。一周成王母弟。

二南宮适

一周之十人。一孔子時。

三殷帝乙

一湯之謚。一般二十九世王。尙書

一紂父。史記

二穆伯

一敬姜夫。禮記

一聲已夫。三禮引春秋

二文伯

一敬姜子。禮記

一聲已子。三禮引春秋

二杜喬

一見禮記。一後漢時人。

二石乞

一與白公作亂。一敵子路者。

二杞梁

一古詩杞梁妻。一左傳齊侯遇于郊。疑一人。

二申繻

一魯桓公時。一魯昭公時。疑一人。

二箕遺

一范宣子所殺。一濟師取前城。

二服虔

一見漢獻帝春秋。一注左氏傳者。

二市南宜僚

一弄丸釋難者。莊子。

一姓熊。當五百人。左傳。

二莊賈

一爲司馬穰苴所殺。一陳勝御人。

二京房

一字君明。善易。前漢。

一梁邱賀從之受易。前漢。

三曾參

一孔子弟子。字子與。

一殺人者。見說苑。

一字君孝。豫章孝廉。

二婁綏

一六國時。一淮南王賓。前漢。

二申屠嘉

一出莊子。一前漢人。丞相故安侯。

二樂巴

一後漢郡守。字叔元。

一後漢術士。後漢方技傳。噴酒滅火。

二宛春

一楚成王將。一衛靈公時諫開池者。呂不章春秋。

二傅毅

一字武仲。一護羌校尉。戰死。封侯。後漢。

二羿

一堯時射十日者。一有窮之君。

二鄒儉

一術士。華佗論。一晉人。

二夏侯勝

一前漢。太子太傅。字長公。一魏人。夏侯勣之子。

二士丐

一士鞅父。春秋。

一士鞅之相。春秋昭公六年。

三士燮

一范文子。一吳人。三國吳志。字彥威。

一隋時官侍郎。出隋書。此陸善經續。

二公孫龍

一孔子弟子。一白馬非白者。呂不韋春秋。

三公孫敖

一春秋穆公時人。一與齊侯俱死。一前漢人。年表合騎侯。

六公孫宏

一子產。一出列子。一前漢年表。一前漢丞相平津侯。一東觀漢記。一幽州從事。晉人。葉森謹按。

左傳。公孫宏。字子般。今梁元帝錄曰子產。非產當作子般者是。

三龐涓

一戰國魏將。一見七略。一三國時。張既禮辟之。葉續一。

四王豹

一春秋時。齊國人。一西河人。善歌。一京兆人。三輔決錄。一晉人。

八王喬

一周太子。即靈王太子晉也。一古仙人。師高晨君。出太子經。一後漢葉縣令。一河東人。袁山松漢書。一晉廬陵太守。一

魏人。見趙王傳。一上古神仙。歷五帝三代。或隱或顯。又非前師高晨君者。一武陽人。食肉芝得仙。並出王氏神仙傳。葉續三。

六王良

一古之善御者。孟子子。

一光武時司空。一作白鷹贊。中經注。

一後漢隱士與黨同列。一爲史官作奉

常。見乞伏傳。一東漢儒林傳伏生尙書者。葉續一。

十一王褒

一前漢字子淵。一前漢年表。一魏武西都尉。獻石膽。博物志。一字偉元。一兄溫嶠集。一晉元

帝時。一晉牙門將。起居注。

一將薪市易。一梁僕射。按北史王褒於後周時又爲少司空。

字子深。出北史文苑傳。此陸善經續。

一漢成帝時絳衣入宮言天帝令我居此。見後漢五行傳人竊。一字子登。范陽襄平人。漢末成仙號清虛真人。

王氏神仙傳葉續二。

八王吉

一字子陽。前漢。

一重泉人。字少音出前漢儒林周堪傳。

一朱崖舊事。一爲虎賁。字伯騫。風俗通。

一莽之孫。一後漢

酷吏傳。一臨邛人。一宋崇寧間仙人。出集仙傳。葉續一。

十王宏

一前漢。一魏尚書郎。一晉丹陽督郵。一太原人。一監校建康市估錢。晉起居注。一宋司徒。字體元。

按南史王宏本傳。應作宋太保。

一謝符采妻。父世宗。中書侍郎。謝氏譜。

一隋揚州刺史。此陸善經續。

一東漢安帝騎都尉。

一唐人。王宏中之子。見緯文。葉續二。

六王烈

一後漢。字彥考。一崇邑人。魏武集云。任爲丞相徵事。一符健攻冉閔南中郎將王烈。一字陽季。東平人。王堪父。

爲治書御史。一與嵇康見石髓者。晉人。字長休。一晉牙門將。起居注。

六王恢。案下所引。有五人。六當作五。

一魏思成王時。紀年。

一前漢大行。

一晉惠帝時東牟人。起居注。

一王溢弟。即導之子。

一西漢中郎將捕得

車師王封浩侯。葉續一。

六王濟

一渾之子字武子。

一晉元帝散騎常侍。

一慕容廆長史。

一涼州人字世業爲僞史官。

一宋巴

東太守。一宋鎮州通判。出宋通鑑。葉續一。

五王襲

一字伯宗。東漢。

一光祿勳。東漢。

一賈逵所薦。見賈逵傳。

一假楊陵校尉。傳咸傳。

一名恭字伯孝。晉人。

五王敦

一長流人字仲異。三輔決錄。

一魏王初時人。

一孫權主簿。

一羅尚牙門將。實錄。

一晉大將軍。

五王珪

一晉僕射。

一齊人。

一唐太宗相。

此陸善經續一。

一仁宗朝戰于好水川。

宋通鑑。

一神宗相。

字禹玉。葉經二。

四王衍

一秦大夫。

白起傳。

一前漢功臣。

安國侯。

一魏人字彥雲。

一晉人上郡男兒。

起居注。

四王商

一宣帝時樂昌侯。

前漢。

一匈奴畏者。

前漢。

一王莽叔。

成都景侯。

一蜀郡守。

四王舜

一漢宣帝時。

安平侯。

一王音之子。

前漢。

一趙后傳故中黃門。

一車騎大將軍涪之子。

四王霸

一光武將。一字孺仲。東漢隱士。一晉人。字稚。一後魏道武時。此陸善經續一。

三王式

一前漢儒林傳。一淮南小中正。晉下壺傳。一晉謁者僕射。晉事要。

三王莽

一魏惠王時人。紀年。一字叔稚。昭帝時衛尉。西漢百官公卿表。一字巨君。篡漢。

三王尋

一王莽將。光武敗之昆陽。一晉武帝牙門將。起居注。一晉光祿大夫。河東人。

三王璆

一晉丞相。字茂宏。一晉京陵公。起居注。一永徽中人。此陸善經續一。